



Scenery Hotel habri porta na Windwardside Saba

Hotèl estilo butik ku 30 kamber ta fortalèsé oferta turístiko na Saba

WINDWARD SIDE, SABA – 5 di mart 2026

Na Saba e siman aki a habri ofisialmente e hotèl nobo ku e nòmber Scenery Hotel. Te trata di un hotèl estilo 'boutique' ku un total di trinta kamber, ku ta situá den kurason di Windwardside i ta un adishon nobo na e oferta turístiko di e isla. E hotèl ta propiedat di Fondo di Penshun Karibe Hulandes (PCN) i ta reflehá e interés kresiente den Saba komo un destinashon pa sambuyamentu i turismo natural.

E hotel a ser desaroyá via Kompania di Partisipashon Karibe Hulandes (PMCN), e kompania di invershon di PCN. Ku e proyekto aki, e fondo di penshun ta suprayá su ambishon pa kontribuí, via invershonnan responsabel, na e desaroyo ekonómiko di Boneiru, Sint Eustatius i Saba. E invershon aki ta parti di e strategia di PCN pa fortalèsé penshon di partisipantenan dor di mantene un portafolio diversifiká, kaminda belegashon internashonal ta wordu kombina ku proyèktonan lokal ku ta krea balor pa e islanan i pa e partisipantenan mes. Un seremonía festivo riba dia 3 mart, kaminda a korta a kòrta e sinta, a marka e apertura ofisial.

E diseño di e hotèl ta kuadra ku e karakter di Saba

Un kombinashon di kònfòr moderno i e atrakshon di e pueblo Windwardside. Huespetnan ku ta keda na e hotèl ta hopi serka di diferente restaurant, tienda i kaminda pa kana den naturalesa. Esaki ta hasi e hotèl ta un base ideal pa tantu relashon komo aktividat.

E apertura a kai huntu ku e selebrashon na Saba di e di 15 aña di eksistensia di PCN komo fondo di penshun, ku ofisialmente a kai na fin di aña 2025. Esaki ta un momentu oportun pa mostra kon kapital di penshon por no solo duna rendimientu, pero tambe por kontribuí visibelmente na un futuro mas fuerte pa e islanan BES i asina tambe na bienestar di e partisipantenan.

E proyecto ta resultado di un trayekto di mas o ménos sinku aña na tur. Despues di a kumpra e propiedat na fin di aña 2020, a sigui un periodo largu di preparashon ku tabata influenshá parsialmente pa e pandemia di COVID. E konstrukshon mes a kuminsá na febrüari 2023. Na yüni 2024 a alkansá e punto mas haltu, despues di kua a sigui e finalisashon di e proyecto.

“For di prinsipio tabata importante pa PCN ku nos inversionnan mester benefisiá tur tres isla: Boneiru, Sint Eustatius i Saba,” Harald Linkels, presidente di e direktiva di PCN a bisa. “Den e añanan tras di lomba Saba a desaroyá su mes den e “crown jewel” di nos portfolio di inversion lokal. Esaki ta mas remarkabel ainda tumando na kuenta ku Saba ta e isla mas chikitu di tur tres e tres islanan ku PCN ta sirbi. Ku inversion responsabel nos ke kontribuí na kresemento ekonómiko sostenibel, kreashon di empleo i un futuro sólido pa tur tres isla. Nos ta hopi orguyoso di e proyekto aki.”

Ta sperando ku e proyekto lo duna un impulso na e ekonomia lokal. Na momentu ku e hotèl ta kompletamente kla, esaki lo tin alrededor di 25 empleado. Ademas, e hotèl lo generá mas aktivitat pa empresarionan lokal, manera skol di sambuyamentu, guianan lokal, taksi i restorant.

“Scenery Hotel a ser desaroyá realmente pensando riba Saba,” Walter Blijleven, direktor di PMCN a bisa. “Nos ta partikularmente orguyoso ku alrededor di 90 porshentu di e hendenan ku a traha na konstrukshon tabata di Saba mes. Esaki ta mostra ku tantu konosimientu, abilidad i fishi tei presente na e isla.”

Gobièrnu insular di e isla tambe ta kontentu ku e proyekto. *“Nos ta gradisi PCN pa nan dedikashon kontinu na Saba i pa e invershon importante aki,”* gezaghèber Jonathan Johnson a bisa. *“E proyekto aki no solamente ta kontribuí na ekonomia di e isla, pero tambe ta konstituí un paso importante pa e desaroyo futuro di nos sektor di turismo.”*

Saba ta ser deskribí internashonalmente komo un di e sekretonan mihó wardá den e region karibense. E isla ta konosí pa su parke marino intakto, su lugánan ekselente pa sambuyá, su rutanen spektakular pa senderismo i su karakter trankil. Ku e apertura di Scenery Hotel, Saba ta haña un lugá nobo ku mester fortalesé e reputashon aki ainda mas.



PCN ta manehá e kapital di penshun di e partisipantenan na Hulanda Karibense i ta enfoká asina riba seguridat finansiero riba termino largu ku invershonnan responsabel. Proyectonan manera Scenery Hotel ta forma parti di un strategia mas amplio kaminda invershonnan internashonal ta wòrdu kombiná ku invershonnan lokal ku ta kontribuí na desaroyo ekonómiko sostenibel na e islanan BES, i na mes momento ta produsí un ganashi riba kapital ku ta importante pa e fondo i su partisipantenan.

Kontacto di Prensa Scenery Hotel

Nòmber: Shadyra Francisca

Organisashon: Scenery Hotel Saba

Email: shadyra.francisca@sceneryhotelsaba.com

Telefon: +599 9 517 8926